



24. august 2018

UKA 2018/137

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kingusinnerpaamik UKA 2019-mi Majoriaq pillugu naliliinermik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Naliliinermi nassuiarneqassaaq innuttaasut ilinniaarnissaannut sulilernissaannullu piareersaasarnissaminut Majoriap siunertani qanoq naammassitigisimaneraa. Naliliinermut ilanngullugu aamma maannamut misilittakkat tunngavigalugit pitsanngorsaannissanut sipaarutissanullu siunnersuutit ilannguteqquneqarput.
(Inatsisartunut ilaasortaq Nivi Olsen, Demokraatit)

Tunngavilersuut

Suliffissanut, Iltersuinnermut Pikkorissaqqinnermullu qitisumik ingerlatsiviit (Majoriaq) pillugit Inatsit ulloq 1. januaari 2016 atuutilerpoq. Majoriaq-sullissiviit ataqtigisitsisuupput ilinniarnarup, suliffeqarnerup inuutissarsiornerullu akornanni. Sinerissami 17-nik Majoriaqarpoq, illoqarfinni tamani ataaseq. Kommunimi immikkoortorta qarfiup ataatsip sullissineq, iltersuineq aamma sulilernissamut ilinnialernissamullu pikkorissarnerit tamaasa ingerlattarpai.

Majoriat suliaasaraat, innuttaasunik sulisinnaasunik iltersuinissaq pikkorissaanissarlu taakku ilinnialernissaminnut sulilernissaminnullu piareersarlugit siunertaralugu ullumikkut sinissamilu inuutissarsiorlut sulisussaqaarnissaat aalajaatsunik, kajumittunik, pikkorissunik aamma eqaatsunik.

Siunertamut tassunga ukiut tamaasa Aningaasanut Inatsit aqutigalugu milliunerpasuarnik aningaasaliisarpugut. Kontomut pingaarnermut 64.13.23-mut taamaasilluni immikkoortinneqarnikuupput 75 millioner koruunit 2018-mi sullissiviit ingerlannissaannut atugassanik. Ukiut sisamat tulliuttut ingerlanerini kitsitsit 78 millioner koruunit sinnilaarlugit allisineqassaaq. Tamatuma saniatigut konto pingaarnermut 64.13.27-mut aningaasaliissutaanikuupput 35 millioner koruunit atuartunut ikorfartuinnermut atugassat. Taamaasilluni ukiut tamaasa 100 millioner koruunit sinningaatsiarlugit Majorianut atorneqartarput.

Demokraatinut qularutissaanngilaq pingaarmanat uangut politikeritut sulilluartariaqaratta qularnaarniarlugu nunami maani innuttaasut inersimasut ilinnialernissaat sulilernissaalluunniit. Pingaarluinnarpoq kikkut tamarnik inuiaqtigiit ingerlanneqarnerannut ilapittuutaasinnaasut



tamarluinnarmik ilapittuutaasarnissaat.

Aammali uangutsinnut pingaaruteqarpoq aningaasaatitsinnik eqqortumik pitsaasumillu atuinissarput. Taamaattumik apeqqtissatsialak tassaavoq Majoriaq eqqarsaatigalugu taamaattoqarnersoq. Tamanna ilisimasaqarfigeqqatuttupilussuuarput.

Taamaattumik pineqartoq pillugu § 37 naapertorlugu apeqquteqarpunga (2018-157). Akissummi taamaallaat uppersinnarpara Majoriami suliat sunniutaat sulii iluamik malitseqartinneqanngitsut. Naalackersuisut akissumminni annermik innersuussutigaaq suliffissaaleqineq naliginnaasoq kiisalu inuusuttut akornanni suliffissaaleqisut ikiliartortut. Tamanna immini nuannerpoq, kisianni naluarpup tamatumunnga Majoriami sulineq pissutaanersoq imaluunniit allat pissutaanersut.

Naalackersuisut akissummi aamma innersuussutigaaq AEU-mi atuartut (Ilinniakkat assassorluni inuutissarsiornermut sammisut) ingerlaqqittarneri pillugit siusinnerusukkut naatsorsuisarnerit takutissimagaat, atuartut pingajorarterutaasa missaat ingerlaqqittartut ilinniartut, pingajorarterutit allat sulilersartut aamma allat pingajorarterutit suliffissaqanngitsut nalunaarsorneqartarsimasut. Taamaattumik paaseqqippara, ilisimanngikkippup ilumut maannakkut Majoriami suliniutit kinguneqartarnersut.

Tamanna naammanngilaq. Suliniutinut ukiumut aningaasarpasut atoratsigit taava sunniutaat allatut ajornartumik annerujussuarmik ilisimasaqarfigisariaqarpagut. Allatut oqaatigalugu; Majoriap innuttaasut ilinnialernissaannut sulilernissaannullu piareersaasarnissaminut siunertaqarnera qanoq iluatsitsigiva?

Puigussanngilarpummi innuttaasut aningaasaataat atoratsigit. Majoriamut ukiumut 100 millioner koruunit sinnerlugit atoratsigit taava allat akissaqartinngilagut. Taamaattumik tamanna tungavigalugu pingaaruteqarpoq, paasissallugu periarfissaqarnersoq pitsanngorsaasoqarnissaa sipaartoqarnissaalu.

Partiit allat saqqummiussassaannut kiisalu Naalackersuisut akissuteqaatissaannut qilanaarpugut.

Aningaasarsiornikkut allaffissornikkullu pisortanut kingunissai.

Nalilersuinerup suliarinissaa nammineq allaffissornikkut aningaasartuutitaqassaaq. § 37 naapertorlugu apeqqtinnut nummer 157/2018-mut akissummi takuneqarsinnaasutut Majoriaq pillugu Naalackersuisut paasissutissanik assigiinngitsunik katersippup. Imaassinnaavoq naliliineq tamakkunanga paasissutissanik tungaveqarsinnaasoq, taamaattumik naatsorsuutigineqanngilaq, ilinniagartuup ataap sulinermini ukioq ataaseq sinnerlugu atorumaaraa. Naliliinerup siunertaasa ilagaat sipaarutaasinnaasunik nassaarniarnissaq. Taamaattumik sipaarutit qanoq angitigisut nassaarineqarsinnaassanersut aatsaat qularnaatsumik



oqaatigineqarsinnaasussaavoq naliliineq naammassineqareerpat.

Aningaasarsiornikkut allaffissornikkullu namminersorlutik inuitissarsiutunut kingunissai.
Soqanngilaq.

Aningaasatigut allaffissornikkullu innuttaasunut kingunissai.
Soqanngilaq.